

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**JU Služba za zapošljavanje TK**  
**Tuzla**

Broj: 01-11-4-1501-1/23  
Datum, 16.11.2023. godine

Na osnovu člana 69. stav (1) tačka b), stav (2) tačka a), člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), člana 21. Statuta JU Službe za zapošljavanje TK broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21-3 od 10.06.2021. godine i broj: 01/1-04-1-429-9-3/22 od 19.07.2022. godine, v.d. direktora donosi:

### **ODLUKU** **o poništenju postupka javne nabavke**

#### **Član 1.**

Poništava se postupak javne nabavke usluga za izdatke održavanja zgrada u Kladanju obzirom da nije dostavljena nijedna ponuda u određenom krajnjem roku.

#### **Član 2.**

Predmetni postupak javne nabavke poništava se u skladu sa članom 69. stav 2. tačka a) Zakona o javnim nabavkama Bosne i Hercegovine.

#### **Član 3.**

Ova Odluka bit će objavljena na web stranici JU Služba za zapošljavanje Tuzlanskog kantona, [www.szztk.ba](http://www.szztk.ba).

### **O b r a z l o ž e n j e**

Postupak javne nabavke usluga za izdatke održavanja zgrada u Kladanju, pokrenut je nakon dostavljanja Zahtjeva za nabavku. Obzirom da je predmetni postupak planiran kao direktni sporazum, nije donesena Odluka o pokretanju postupka, nego je provedena prethodna provjera tržišta, sačinjena Pisana zabilješka i pripremljen Zahtjev za ponudu. Obzirom da je do izmjena Zakona o javnim nabavkama, ova vrsta nabavke tretirana kao izuzeta, kontaktirali smo dobavljača koji nam trenutno pruža ovu uslugu u Kladanju. Zahtjev za ponudu je poslat samo na adresu dobavljača Bosna Lift doo Tuzla. Međutim, navedeni dobavljač nije dostavio svoju ponudu, ali je dostavio obavijest da ne može dostaviti pojedinačnu ponudu, obzirom da je isti na osnovu Odobrenja Općine Kladanj broj: 06/1-19-432/21 od 24.02.2021. godine, određen za upravitelja zajedničkih dijelova i uređaja zgrade na adresi, na kojoj je smješten i Biro za zapošljavanje Kladanj. U skladu sa navedenim, svi etažni vlasnici su dužni plaćati naknadu, a visina iste je određena Zakonom o korištenju, upravljanju i održavanju zajedničkih dijelova i uređaja zgrade („Službene novine TK“ broj: 14/15). Obzirom na naprijed opisano, istaknuo je da ne može dati pojedinačnu ponudu.

U skladu sa naprijed opisanim, odnosno činjenicom da nije dostavljena nijedna ponuda, uz dato obrazloženje, u skladu sa članom 69. stav 2) tačka a) odlučeno je kao u članu 1. ove Odluke.

**Uputstvo o pravnom lijeku:**

Na osnovu člana 101. stav 6) u postupku direktnog sporazuma žalba nije dopuštena.

Dostaviti:

1. Odjeljenje za pravne i opće poslove
2. a/a

Pripremila:

mr.iur.Ahmetović Beriša, bachelor prava  
Stručni savjetnik za javne nabavke i pravne poslove



v.d. **DIREKTOR-a**

Miralem Softić, dipl.oec